



Broj: 03-08-05-37161/17  
Sarajevo, 05.01.2018. godine

**PREDSJEDATELJICA SKUPŠTINE  
KANTONA SARAJEVO**  
**gđa. Ana Babić**

**PREDMET : Odgovor na zastupničko pitanje**

Na 36. Radnoj sjednici Skupštine Kantona Sarajevo, održanoj dana 20.12.2017. godine, u okviru tačke Dnevnog reda „Zastupnička pitanja, inicijative i odgovori“, zastupnik u Skupštini Kantona, Nermin Bjelak je postavio slijedeće zastupničko pitanje:

*„ Od strane građana jednog naselja upućen je zahtjev Kantonalnoj inspekciji da se iz okvira njihove nadležnosti izvrši inspeksijski nadzor nad radom firme koje je registrovana kao d.o.o. za trgovinu na veliko i malo a obavlja djelatnost za koju nije registrovana i to rezanje drva motornim pilama kao i sušenje drvene građe u improvizovanoj sušionici u gradskim naseljima i koja tim svojim radom ugrožavaju život i zdravlje građana, proizvedeći buku veću od Zakonom dozvoljene, kao i ispuštajući velike količine dima i prašine u atmosferu i u danima kada se proglašava epizoda u slučajevima prekomjernog zagađenja zraka u Kantonu Sarajevo.*

*Tržno turistička inspekcija je izvršila inspeksijski nadzor te kantonalni inspektor zaštite okoliša i kantonalni šumski inspektor, međutim firma i dalje nastavlja raditi.*

*S tim u vezi postavljam pitanje ko može zaštititi građane od bahatosti vlasnika takve firme i ko može zabraniti rad nekome ko obavlja djelatnost za koju nije registrovan i time ugrožava život i zdravlje građana Sarajeva.*

*Tražim da mi se dostavi pismeni odgovor ko je nadležan nad sprovođenjem Zakona vezanih za oblast nelegalnog rada rezanja i sušenja drveta u gradskom naselju i zašto organ koji je nadležan ne zatvara takve firme koje svojim radom ugrožavaju život i zdravlje građana grada Sarajeva.”*

Ministarstvo pravde i uprave Kantona Sarajevo daje slijedeći

**ODGOVOR**

Poštovani zastupniče Bjelak, u vezi Vašeg zastupničkog pitanja, obavještavamo Vas da je odredbama člana 7. Zakona o organizaciji i djelokrugu organa uprave i upravnih organizacija Kantona Sarajevo ("Službene novine Kantona Sarajevo", broj 2/12- Prečišćeni tekst i br. 41/12, 8/15 i 13/17) propisana nadležnost Ministarstva pravde i uprave Kantona Sarajevo, kako slijedi:



*"Ministarstvo pravde i uprave vrši upravne i stručne poslove utvrđene ustavom, zakonom i drugim propisima, koji se odnose na ostvarivanje nadležnosti Kantona u oblasti pravosuđa, pravobranilaštva, uprave i lokalne samouprave, poslove upravne inspekcije, poslove davanja mišljenja o usklađenosti zakona i drugih propisa koje donosi Skupština Kantona, Vlada Kantona i rukovodioci kantonalnih organa uprave, sa Evropskom konvencijom o zaštiti ljudskih prava i osnovnih sloboda i drugim instrumentima za zaštitu ljudskih prava, koji imaju pravnu snagu ustavnih odredaba, kao i druge upravne poslove koji ne spadaju u djelokrug drugog organa uprave Kantona."*

Vaše zastupničko pitanje dostavili smo direktoru Kantonalne uprave za inspekcije poslove na nadležno postupanje.

S poštovanjem,

**MINISTAR**

**Mario Nenadić**



**web:** <http://mpu.ks.gov.ba>  
**e-mail:** [pravda@ks.gov.ba](mailto:pravda@ks.gov.ba)  
Tel: + 387 (0) 33 562-083, Fax: + 387 (0) 33 562-241  
Sarajevo, Reisa Džemaludina Čauševića 1

